

«Հայ ազգագրություն և բանեցություն (նյութեր և ուսումնասիրություններ)», № 15, Արցախ», Երևան, ՀՍՍՀ ԳԱ հրատարակչություն, 1983, 192 էջ:

Պատմական Արցախի ազգագրության և բանահյուսության հավաքումը, հրատարակումն ու ուսումնասիրումը հարուստ պատմություն ունի: Անցյալ դարի 80-ական թվականներին Արցախում ազգային մտավոր կյանքը վերելք էր ապրում, և Շուշին դառնում է համահայկական էթնոմշակութային խոշոր կենտրոն: Շրջանի բանահյուսական արժեքների հավաքմանն ու հրատարակմանը ղեկավարեց Շուշիում լույս են տեսնում Մանուկ Աբեղյանի՝ էջմիածնում գրառած մեր ազգային հերոսավեպի երկրորդ պատումը և հայ առաջին ժողովրդագրական ամսագրի՝ «Ազգագրական հանդես»-ի հիմնադիր առաջին գիտքը: Պատմական Արցախի բառ ու բանի մեծությամբ հավաքման և ուսումնասիրման նվաճումները նշանավորվում են հայ ժողովրդական հեքիաթների 5-րդ, 6-րդ, 7-րդ հատորների և բանահյուսական մեկից ավելի, այդ թվում քննության առարկա սույն և նրան նախորդած ժողովածուների հրապարակ գալով:

«Հայ ազգագրություն և բանահյուսություն» մատենաշարի 15-րդ հերթական համարը կազմված է Ալվարդ և Բարխուդար Ղազիյանների վերջին տասը տարում հավաքած մեծահարուստ նյութերի ընտրանույ: Դրանք ներկայացնում են պատմական Արցախի 25 խոշոր բնակավայրեր, որոնք մտնում են Լեռնային Ղարաբաղի ինքնավար մարզի և Ադրբեյջանական ՍՍՀ-ի Շահումյանի շրջանի վարչատարածքային բաժանման մեջ: Ժողովածուն ունի գիտական հարուստ ապարատ, որը կազմել է հնագիտության և ազգագրության ինստիտուտի գիտաշխատող, բանասիրական գիտությունների թեկնածու Ալվարդ Ղազիյանը: Սեղմ «սեռածություն» մեջ նա ներկայացնում է Արցախի բանահյուսության գրառման, հրատարակման և ուսումնասիրման պատմությունը, արժեքավորելով անցյալի և մեր օրերի բանահավաքների աշխատանքը: Ժողովածուն ունի ծանոթագրությունների բաժին, ուր մեկ առ մեկ ներկայացված են ամեն մի նյութի գրառման, տեղի, ժամանակի, ասացողի կյանքի և աշխատանքի կարևոր հանգամանքների մասին տեղեկություններ: Երբեք են նաև տեղի ընկնող բանասացների լուսանկարները: Վերջում զետեղված է քառարան, որտեղ բացատրված են բարբառային նվազ հասկանալի և այլ լեզուներից փոխառյալ բառերի բացատրությունները: Ալվարդ և Բարխուդար Ղազիյանների հավաքած բանահյուսական նյութերը նախորդների համեմատությամբ բնութագրվում են գրանցման նոր եղանակով (մագնիսոսկոպիայի գրանցումներ), լորը պայմանավորվում է լուրագրայնուր ասացողի՝ ոճի անկրկնելիությամբ, Ղարաբաղի և Հաղթաբեր բարբառների արխարկ դարձանքների (ինչպես օրինակ, այ էր, այ աստված, ընդեռանա, դրանից հետո, աստ, հետո, աստ էլ. այնուհետև) և խոսվածքների պահպանմամբ: Այս արտահայտություններն այսօր իբրև միջարկություն են գործածվում:

Ժողովածուն պարունակում է հրաշապատում, արկածապատում և իրապատում սյուժեներով 40 հեքիաթ, 73 առակ, զրույց ու զվարճախոսություն, 41 ավանդություն, 9 երգ ու խաղերգ, գլուղների և մարդկանց 24 մականուն, շուրջ 500 առած-ասացվածք, 200 անեծք, օրհնանք, երգում, սպանալիք և այլ նյութեր: Արցախի բանահյուսության ընդհանրապես, իսկ ներկա ժողովածուին մասնավորապես բնորոշը արձակ-պատմողական բնագավառն է: Դրանց շարքում հատկապես ուշագրավ է մեր ազգային հերոսավեպի մի պատումը՝ «Սանասարն նան Բաղդասարը», որը գրի է առնվել 1974 թ. Ստեփանակերտ քաղաքում, առաջագործ, 78-ամյա Արտաշես Կասպարյանից: Այս պատումը ժանրային կերպարանքը փոխած ու հեքիաթի կաղապարի մեջ մտած ստեղծագործություն է, որը, սակայն, կարևոր է հերոսավեպի տարածման ու կենցաղավարման շրջանակների հետադարձ տեսանկյունից:

Ժողովածուի հեքիաթների բաժինը հարուստ է արցախյան հիմնական տիպերի բազմազանությամբ: Դրանց մի զգալի մասը Բահաբլյանների հրատարակածների նոր տարբերակներն են, մի մասն էլ ներկայացվում են առաջին անգամ («Հավատարիմ կենգուր», «Ալուծն առյուծ ա», օզում ա էք ինի, օզում ա՝ վերջ» և այլն): Հրաշապատում հեքիաթները, ինչպես նկատելի է ժողովածուում բերված օրինակներում, օտար ազդեցությունների և բուն կյանքում տեղի ունե-

զող տեղաշարժերի հետևանքով ներքին կառուցվածքային և արտաքին արտահայտչամիջոցների փոփոխություն են կրել, իսկ իրապատում-արկածայինները աչքի են ընկնում սյուժետային ամբողջականությամբ ու ավարտվածությամբ, երկխոսություններով՝ հազիցված վիպական մանրամասների առատությամբ: Զգալի թիվ են կազմում պարսկական դուժման միապետ Շահ Աբասի անվան հետ առնչվող հեքիաթների նմուշները: Դրանց մի մասը վիպական ավանդույթով են կապվել Շահ Աբասի անվան հետ, իսկ որոշ սյուժեներ պատմական արմատներ ունեն: Արժեքավոր են նաև ներկայացվող ավանդությունները, որոնք պահպանել են հիշողություններ պատմաագագորական շրջանում կատարված տեցուղարձեղի, բնիկ ժողովրդի հավատալիքների ու սովորությունների մասին:

Արցախը հայտնի է եղել իր աշուղներով, որոնց, ինչպես այլ ազգագրական շրջաններում էս, վերագրվել է արտակարգ խելք, խորաթափանցություն, գուռակելու ունակություն: Աշուղներ Սարգիսը և Առուստամը շրջանի աշուղական դպրոցի վերջին ներկայացուցիչներն են, իրենց բանաստեղծական շնորհքը, ըստ ավանդությունների, ստացել են սրբավայրերից, մշտապես հաղթանակով են դուրս եկել վեճ-մրցույթներից: Այս դրվագներն էլ նյութ են տվել նրանց անվան շուրջը հյուսված ավանդական զրույցներին:

Միսական բանահյուսությունից, որն, ի դեպ, մեր օրերում գնալով սակավագնա է գրանցվում, ժողովածուում ներկայացված է անձրև առաջացնելու և տեղատուրափել կանխելու ծիսակառն երգերը:

Արցախում ընդհանուր մի երևույթ է հարևան գյուղերի և նույն գյուղերի տարբեր տոհմերի իրար ծաղրելը, որն արվում է ինչպես փոքրածափալ սյուժեների, այնպես էլ մականունների միջոցով: Մականունները, որ կոչվում են օփութա անուններ, ժողովածուում տպագրվում են առաջին անգամ: Արցախում մեր օրերում լայն տարածում և համընդհանուր գործածություն ունի դարձվածաբանական բանահյուսությունը: Ուշադրության արժանի է այն, որ ժողովուրդը մինչև հիմա էլ պահպանում է հավատը խոսքի ներգործուն ուժի՝ անձերի, օրհնանքի, երգման նկատմամբ և լայնորեն օգտագործում:

Հարուստ է ժողովածուի զվարճապատումների բաժինը. դրանք շրջանում տարածված Պըլը Պուղու, Մուլլա Նասրեդինի շուրջը հորինված ավանդական սյուժեների նոր տարբերակներն են կամ էլ նոր անունների շուրջ հորինված նոր պատումները: Շրջանում յուրաքանչյուր շնն ու ավան ունի իր զվարճախոսը, որի անվան շուրջը խմբավորվում են զավեշտական զանազան դեպքերն ու իրողությունները, ինչպես օրինակ՝ Տիգրանի, Բուզու շուրջ հյուսված սյուժեները Աշան և Ղզալա գյուղերում:

Ժողովածուում տեղ գտած բոլոր նյութերն էլ տպագրվում են առաջին անգամ և պատկերացում են տալիս շրջանում գոյություն ունեցող բանահյուսության մերօրյա վիճակի մասին: «Հայ ազգագրություն և բանահյուսություն» մատենաշարի այս հատորը նույն մատենաշարով 1981 թ. հրատարակված անվանի ազգագրագետ Ստեփան Լիսիցյանի «Լեռնային Ղարաբաղի հայերը» ազգագրական ակնարկի հետ լրացնում և ամբողջացնում են Լեռնային Ղարաբաղի՝ որպես ուրույն պատմաազգագրական մարզի, ազգագրական և բանահյուսական հարուստ նյութը և ժառանգիտական շարադրանքով դնում գիտական շրջանառության մեջ:

ՔԱՄԱՐԱ ԳԵՎՈՐԳՅԱՆ